

darzu auch aller ihrer anhenger vnnnd geselschafftenn / inn welcher ihr dann selbst nicht eines geringen noch gemeinen verstandes / sünders aus angeborner eigenschafft / lust vnd lieb / so ihr von natur sünderslich darzu tragt / hoch erfarn vnnnd woll geübt / hab ich euch solche mein mühe vnd arbeit / Dedicirn / vnd zuschreiben / vnd die selbigen / wie wol sie geringschetzig / vnd kleines werdes würdig / vnder ewerem namen durch den Truck publicirn / vnd außgehn lassen wollen / Nicht dz ich euch viel darmit gethan / oder gedinet hette / sünders das ich eins malß / mein gunst / lieb vnd zunetgung / so ich von herzen lange zeit gegen euch / als einem fürnemmbsten diser kunst getragen / möchte declarirn vnd an tag geben / Vnd so ich wirdt vermercken vnd erfarn / das dieser mein fleiß / mühe / vnd arbeit / euch vnd auch andern / sünderslich aber der Jugent der es fürnemlich gemeinet ist / wird gefellig / vnd ahnnemlich sein / wirdt ich verursacht werden mich mit der zeit ferner / vmb zuthun / vnd zuunderfangen / ander gesengeer mehr Muteten / vnd sunsten gute / liebliche künstlich / vnd wol klingende Lieder / nach meinem geringen vermügen vnd verstande / so viel ahn hindernuß meiner teglichen arbeit vnd haushaltung gescheen kan / an tag zubringen / vnd auch sunsten euch / vnd allen liebhabern der Musica / alle willfarige vnd freundliche dienst zu erzeigen / Bin ich Ider zeit willig / vnd bereit / hiemit thue ich euch dem almechtigen ewigen Gott / durch seinen lieben sohn / vnsern Herrn vnnnd heylandt / sampt ewer tugetsamen Haushrawen / vnd lieben kindlein / ihn lange zeit / gnediglich befehlen.

Gegeben zu Nürnberg den 14 Octobris Anno 15 51.

☞ ☞ williger guter
günner vnd freunde

Hans Gerle der Elter
Burger zu Nürnberg
A 4